



Fvneratvm Saxonicae Domvs Decvs, Et Spes Patriae Afflicta

Funeratum Saxonicae Domus Decus, Et Spes Patriae Afflicta

Gothae

Vockerodt, Gottfried


P 4° 00420 (72)

https://dhb.thulb.uni-jena.de/receive/ufb_cbu_00000614

urn:nbn:de:urmel-8e70f54f-d609-4808-bc17-4ba8b21a257a0-00000972-19

Lizenz: <https://creativecommons.org/licenses/by-sa/4.0/>





urn:nbn:de:urmel-8e70f54f-d609-4808-bc17-4ba8b21a257a0-00000972-19

72


FVNERATVM
SAXONICAE
DOMVS DECVS,
ET
SPES PATRIAE
AFFLICTA.

1724 Mai

urn:nbn:de:urmel-8e70f54f-d609-4808-bc17-4ba8b21a257a0-00000972-20

Seite 3 von 10

Bild: 2



urn:nbn:de:urmel-8e70f54f-d609-4808-bc17-4ba8b21a257a0-00000972-30

ACERBO MERSVS
FVNERE
SERENISSIMI PRINCIPIS
AC DOMINI,
ERNESTI LVDOVICI,
DVCIS SAXONIAE, IVLIAE, CLIVIAE,
MONTIVM, ANGRIAE, ET
WESTPHALIAE,
LANDGRAVII THVRINGIAE, MARCHIONIS MISNIAE,
PRINCIPIS COMITIS HENNEBERGIAE,
COMITIS MARCAE, ET RAVENSBERGAE,
DYNASTAE IN RAVENSTEIN,
S. CAES. MAL. GENERALIS LOCVM TENENTIS,
FILIVS NATV MAXIMVS,
IOSEPHVS BERNHARDVS,
SERENISSIMAE SAXONICAE DOMVS
decus, et spes patriae, Meinungae,
cum hic natus esset XXVII. MAII, MDCCCVI.
MATRE
SERENISSIMA,
DOROTHEA MARIA,
SERENISSIMI PATRIS PATRIAE
nostri sorore,
mature spectatus est tanta stirpe dignus,
et virtutis SERENISSIMORVM maiorum
aemulus solers, et felix.

b

Appa-

urn:nbn:de:urmel-8e70f54f-d609-4808-bc17-4ba8b21a257a0-00000972-44

Apparuit inter prima tirocinia, quantam vim habeat
in nobili, et praeclara indole excitanda,
et prouocanda ad studia rectiora
PROAVI, ERNESTI PII, integritas,
AVI, BERNHARDI, pietas,
et laudatissima prouidentia paterna,
nec non fides magistrorum?
His incitatus, erectus, et custoditus
admirandos fecit progressus
in sacris, et liberalibus artibus, linguis, iure, historia, musica:
in tractandis exercitationibus,
quae corpus firmant, et ornant,
prouehuntque ad decus tanta fortuna,
et nascendi conditione dignum.
Publice, et patriae intererat,
non delitescere in patrio solo indolem virtutis tam insignis;
sed perlustrare alias terras, aulas, gentes,
atque easdem illustrare industriae documentis.
Quae cum probata essent, et excepta applausu
virorum principum, litteratorum, populiue,
vbicunque notesceret
PRINCEPS SAXONICVS
aetate adolescens,
virtute, et sapientia vir,

gra-

8
grauitate senibus, temperantia virginibus,
modestia ciuili fortis, et ortus hominibus,
discendi cupiditate litteratoribus,
militaris rei peritia ducibus veteranis comparandus,
eiusdemque aetatis, et conditionis iuuenibus omnibus
iure anteponendus:

delectati sunt mirifice illustri hoc hospite
ciues nostri, Franci, Palatini, Argentoratenses cum
vicinis omnibus, quos salutauit,
Galli Rhemenſes, Mediomatricenſes, Tullenſes, Verdunenſes,
Bohemi, Bauari, Tirolenſes, Itali.

Quibus cum glorioſe ostendiſſet ingenii lumen,
flumen ſermonis multarum linguarum peritia,
et vſu expoliti,
vt, tanquam ciuis, intelligi poſſet ab exteris ſine interprete,
doctrinae copiam admirandam,
virtutum maturitatem aetate maiorem,
et Tranſalpinae elegantiae habitum,
religioſaeque institutionis fructum
probaffet Italiae populis pluribus,
ſupererat, vt in ampliori, et commodiore theatro
ſpectaretur,
quae diuinae veritatis, teneris inſtillatae mentibus, vis fit,
et quantum praefidium illa praefter, ad interiores
ſenſus mature admiſſa,

b 3

aduer-

aduersus mortem, terculamentum vltimum,
formidandum fortissimis?
Patuit istud Romae, vbi febris aestus malignus
viuendi spem intercipit.
Qui adolescens virum se praestiterat
in repudiandis illecebris,
ad seculum institutus visus princeps iuuenis theologum
veteranum
in veritate euangelica tuenda,
vitae ratione consentanea ornanda,
aduersariorum argumentis refutandis:
repentina valetudine oppressus turbari posse videbatur,
et dimoueri de recto sensu, et iudicio;
vel terreri saltem fati imminenti in alieno solo
incommodis non declinandis,
honestae sepultura difficulter impetranda,
nisi intercesserit qualiscunque sententiae de sacris mutatio,
vel in speciem saltem, et dicis gratia.
At vero afflictissimo PRINCIPI iuueni potior
est euangelicae veritatis ad finem vitae professio constans,
quam cura corporis exuiarum.
His cum nobilis anima liberata, et coelo reddita esset:
quod huius anni MARTI XXII. accidit:
suspiciunt morientis virtutem, et constantiam procures
Romani:

nec

neq̃ inter eos deest, cuius humanitate, indulgentia, et
prouidentia,
dum viscera in horto defodiuntur,
corpus ab ista mole purgatum, et artificiose in loculo conditum
ad patrios lares remittitur, et monumenta auita,
vt hoc pacto vtcunque mitigetur
SERENISSIMORVM PATRV iacturae sensus,
SERENISSIMORVM FRATRVM
et *SORORIS* luctus,
aulicorum ministrorum dolor,
piorum ciuium desiderium,
et ad posteritatis memoriam,
dum solennes fiunt exequiae,
illustre edatur, iacteturque iustis laudibus exemplum
PRINCIPIS ANTE AETATEM MATVRI,
omnis virtutis laude ornati, cum viueret,
et a recto proposito non dimouendi,
cum in alieno solo esset moriendum.
Inter haec honestandae *OPTIMI PRINCIPIS* memoriae
solennia
officio deesse noluit
nobilis iuuenis, ingenio, et progressibus in litteris spectatissimus,
GEORGIVS ALBERTVS de WECHMAR,
Il. Gymnasii Gothani alumnus;
deposcitque partes coram *ILLVSTRI* concione scholastica
PRIN-

PRINCIPIS SVI fata lugendi, demonstrandique,
quanta cum occidente SERENISSIMO
IOSEPHO BERNHARDO
concederet SERENISSIMAE DOMVS SAXONICAE
ornamentum,
patriae spes,
et euangelicae veritatis praesidium?
Quod dum faciet sermone Latino
in auditorio CLASSIS I. sub horam VIII. ante meridiem
MAII VIII.
inter concentum musicum, sermonis argumento aptum,
et ad honestandas principales exequias
diligentissime compositum,
vt nouitio oratori faueant,
et adiuuent frequentia sua, et audiendi patientia
publicam pietatis testificationem,
ILLVSTRIS GYMNASII GOTHANI PATRONOS,
et fautores
submississime, et obseruantissime
rogat
RECTOR,
GOTHOFREDVS VOCKERODT.

P.P. exequiarum die III. MAII, c1810ccxxiv.

GOTHAЕ, LITTERIS RETHERICANIS.